

摘藻堂四庫全書薈要

集部

欽定四庫全書薈要

集部

樊川集卷二

臣
王杰詳校
詳校官助教臣常循



御製讀杜牧樊川集

茂學本工文清辭每出羣雖稱有奇節未覺副高聞錦
字常懸壁朱樓喜夢雲

二語點竄
牧之句

所輸老杜者一飯不

乾隆戊子仲夏

右謹依

御製詩三集恭錄

欽定四庫全書薈要

樊川集總目

卷一

賦三首

詩十五首

卷二

詩三十一首

卷三

詩五十九首

卷四

詩七十六首

卷五

詩八十八首

卷六

雜著五首

卷七

雜著七首

卷八

序四首

記六首

卷九

書七首

卷十

書九首

卷十一

表九首

狀十四首

卷十二

啟十三首

卷十三

制二十首

卷十四

制二十二首

卷十五

制二十七首

卷十六

制二十九首

卷十七

祭文七首

行狀二首

卷十八

誌銘三首

卷十九

誌銘四首

卷二十

誌銘八首

外集

詩九十三首

別集

詩五十二首

臣等謹案樊川文集二十卷外集一卷別集一卷唐杜牧撰牧字牧之京兆萬年人官至中書舍人事蹟具唐書本傳是集為其甥裴廷翰所編唐藝文志作二十卷而晁氏讀書志又載外集一卷新城王士禎謂舊藏杜集止二十卷後見宋版本雕刻甚精而多數卷

考劉克莊後村詩話云樊川有續別集三卷
十八九皆許渾詩牧仕宦不至南海而別集
乃有南海府罷之作則宋本外集之外又有
續別集三卷此本僅附外集別集各一卷較
之後村所見別集尚少二卷而南海府罷之
作不收焉則又經後人刪定非克莊所見之
本矣牧嘗稱元白歌詩傳播使子父女母交
口誨淫恨吾無位不得以法繩之其持論甚

峻後村詩話則謂牧風情不淺如杜秋娘張
好好諸詩青樓薄倖之句街更平安之報未
知去元白幾何比之以燕伐燕是亦公論然
牧詩風骨實出元白之上其古文縱橫奧衍
罪言一篇宋祁作新唐書藩鎮傳論實全錄
之亦非元白所可及也乾隆四十二年二月
恭校上

總纂官臣紀昀臣陸錫熊臣孫士毅

總校官臣陸費墀

樊川集原序

長安南下杜樊鄉鄜元注水經實樊川也延翰外曾祖
司徒岐公之別墅在焉上五年冬仲舅自吳興守拜考
功郎中知制誥盡吳興俸錢創治其墅出中書直亟召
昵密往遊其地一旦談劇酒酣顧延翰曰司馬遷云自
古富貴其名磨滅者不可勝紀我適稚走於此得官受
俸再治完具俄及老為樊上翁既不自期富貴要有數
百首文章異日爾為我序號樊川集如此顧樊川一禽

魚一草木無恨矣庶千百年未隨此磨滅邪明年冬遷

中書舍人始少得恙盡搜文章閱千百紙擲然之纔屬

留者十二三延翰自撮髮讀書學文率承導誘伏念始

初出仕入朝三直太史筆比四出守其間逾二十年凡

有撰制大手短章塗藁醉墨碩夥纖屑雖適僻阻不遠

數千里必獲寫示以是在延翰久藏蓄者甲乙籤目比

校然外十多七八得詩賦傳錄論辯碑誌序記書啓表

制離為二十編合為四百五十首題曰樊川文集嗚呼

雖當一時戲感之言孰見魄兆而果驗白耶嘻文章與
政通而風俗以文移在三代之道以文與忠敬隨之是
為理具與運高下採採古作者之論以屈原宋玉賈誼
司馬遷相如揚雄劉向班固為世魁傑然騷人之辭怨
刺憤懣雖援及君臣教化而不能霑洽時論相如子雲
瑰麗詭變諷多要寡漫美無歸不見治亂賈馬劉班乘
時君之善否直豁已臆奮然以拯世扶物為任纂緒造
端必不空言言之所及則君臣禮樂教化賞罰無不包

馬竊觀仲舅之文高騁夏厲旁紹曲撫絜簡渾圓勁出
橫貫滌濯滓麻支立欹倚呵摩皴瘃如火照焉爬梳痛
痒如水洗焉其抉剔挫偃敢斷果行若哲言牧野前無有
敵其正視嚴聽前衡後鑾如整冠裳祇謁宗廟其聒蟄
爆聾迅發不慄若大呂勁鳴洪鍾橫撞撐裂噓喑戛切
韶護其砭熨嫉害堤障初終若濡槁於未林膏癰於未
穿栽培教化翻正治亂變醺養瘠堯醲舜薰斯有意趨
賈馬劉班之藩牆者耶其文有罪言者原十六衛者戰

守二論者與時宰論用兵論江賊二書者上獵秦漢魏
晉南北二朝逮貞觀至長慶數千百年兵農刑政措置
當否皆能採取前事凡人未嘗經度者若繩裁刀解粉
畫線織布在眼見耳聞下其譎往事則阿房宮賦刺當
代則感懷詩有國欲亡則得一賢人決遂不亡則張保
臯傳尚古兵柄本出儒術不專任武力者則注孫子而
為其序褒勸賢傑表揭職業則贈莊淑大長公主及故
丞相竒章公汝南公墓誌標白厯代取士得才率由公

族子弟為多則與高大夫書諫諍之體非訐醜惡與主
鬪激則論諫書若一縣宰因行德教不施刑罰能舉古
風則謝守黃州表一存一亡適見交分則祭李處州文
訓勵官業告東君命擬古典謨以寓誅賞則司帝之誥
其餘述喻讚誠興諷愁傷易格異狀機鍵雜發雖繇遠
窮幽醲腴魁礪筆酣句健窅眇碎細包詩人之軌憲整
揚馬之衙陣聳曹劉之骨氣掇顏謝之物色然未始不
撥斲治本絀幅道義鈎索於經史駢禦於理化也故文

中子曰言文而不及理是天下無文也王道何從而興乎嘻所謂文章與政通而風俗以文移果於是以卜盛時理具踔三代而蔭萬古若躋太華臨溟渤但觀乎積高而沓深不知其磅礴澶漫所為遠大者也近代或序其文非有名與位則文學宗老子既就其集寐寤思慮顛倒反覆不翅逾年苟墜承顧付與之言雖晦顯兩不相解在他人無知狀者然以高有天幽有神陰有宰物者可自抵誣以甘罰殛邪故總條目強自作序至於

裁列風雅宰制典型標翼時濟物之才編志業名位之
實則恭俟叔父中書公於前序將仕郎守京兆府藍田
縣尉充集賢殿校理裴延翰撰

欽定四庫全書薈要卷一萬四千二

集部

樊川集卷一

唐 杜牧 撰

賦

阿房宮賦

六王畢四海一蜀山兀阿房出覆壓三百餘里隔離天
日驪山北構而西折直走咸陽二川溶溶流入宮牆五
步一樓十步一閣廊腰縵迴簷牙高啄各抱地勢鉤心

關角盤盤馬困困馬蜂房水渦直

勅六切

不知乎幾千萬

落長橋卧波未雲何龍複道行空不霽何虹高低冥迷
不知西東歌臺暖響春光融融舞殿冷袖風雨淒淒一
日之內一宮之間而氣候不齊妃嬪媵嬙王子皇孫辭
樓下殿輦來於秦朝歌夜絃為秦宮人明星熒熒開粧
鏡也綠雲擾擾梳曉鬟也渭流漲膩棄脂水也烟斜霧
橫焚椒蘭也雷霆乍驚宮車過也輓輓遠聽杳不知其
所之也一肌一容盡態極妍縵立遠視而望幸焉有不

得見者三十六年燕趙之收藏韓魏之經營齊楚之精
英幾世幾年剽掠其人倚疊如山一旦有不能輸來其
間鼎鑄玉石金塊珠礫棄擲邈迤秦人視之亦不甚惜
嗟乎一人之心千萬人之心也秦愛紛奢人亦念其家
奈何取之盡錙銖用之如泥沙使負棟之柱多於南畝
之農夫架梁之椽多於機上之工女釘頭磷磷多於在
庾之粟粒瓦縫參差多於周身之帛縷直欄橫檻多於
九土之城郭管絃嘔啞多於市人之言語使天下之人

不敢言而敢怒獨夫之心日益驕固戍卒叫函谷舉楚
人一炬可憐焦土嗚呼滅六國者六國也非秦也族秦
者秦也非天下也嗟乎使六國各愛其人則足以拒秦
使秦復愛六國之人則遞三世可至萬世而為君誰得
而族滅也秦人不暇自哀而後人哀之後人哀之而不
能鑑之亦使後人而復哀後人也

望故園賦

余固秦人兮故園秦地念歸途之幾里訴余心之未歸

兮雖繫日而安至既操心之大謬欲當時之奏技技固
薄兮豈易售矧將來之歲幾人固有尚珠金印節人固
有為背憎面悅擊短扶長曲邀橫結吐片言兮千口莫
窮觸一機而百闕俱發嗟小人之顓蒙兮尚何念於逸
越余之思歸兮走杜陵之西道巖曲天深地平木老隴
雲秦樹風高霜早周臺漢園斜陽暮草寂寥四望蜀峰
聯嶂葱蘢氣佳蟠聯地壯繚粉堞於綺城矗未央於天
上月出東山苔扉向闕長烟苒惹寒水注灣遠林雞犬

兮樵夫夕還織有桑兮耕有土昆令季強兮鄉黨附悵
余心兮捨茲而何去憂豈無念念至謂何憤慍悽悄顧
我則多萬世在上兮百世在後中有一生兮孰為壽天
生既不足以紉佩兮顧他務之纖小賦言歸兮余心忘
世徒為兮紛擾

晚晴賦

并序

秋日晚晴樊川子目於郊園見大者小者有狀類者故
書賦云

雨晴秋容新沐兮忻遶園而細履面平池之清空兮紫
閣青橫遠來照水如高堂之上見羅幕兮垂乎鏡裏木
勢黨伍兮行者如迎偃者如醉高者如達低者如跂松
數十株切切交峙如冠劍大臣國有急難庭立而議竹
林外裏兮十萬丈夫甲刃縱縱七恭切密陣而環侍豈負
軍令之不敢囂兮何意氣之嚴毅復引舟於深灣忽八
九之紅芰婉然如婦歛然如女墮藥駝顏似見放棄白
鷺潛來兮邈風標之公子窺此美人兮如慕悅其容媚

雜花參差於岸側兮絳綠黃紫格頑色賤兮或妾或婢
閒草甚多叢者束兮靡者杳兮仰風獵日如立如笑兮
千千萬萬之容兮不可得而狀也若予者則為何如倒
冠落珮兮與世濶踈敖敖休休兮真徇其愚而隱居者
乎

詩

五言古

感懷

時滄州用兵

高文會隋季提劍狗天意扶持萬代人步驟三皇地聖
云繼之神神仍用文治德澤酌生靈沉酣薰骨髓旄頭
騎箕尾風塵薊門起胡兵殺漢兵屍滿咸陽市宣皇走
豪傑譚笑開中否蟠聯兩河間燼萌終不弭號為精兵
處齊蔡燕趙魏合環千里疆爭為一家事逆子嫁虜孫
西鄰聘東里急熱同手足唱和如宮徵法制自作為禮
文爭借擬壓階螭鬬角畫屋龍交尾署紙日替名分財
賞稱賜剗隍歟

呼帖切

萬尋繚垣疊千雉誓將付孱孫血

絕然方已九廟仗神靈四海為輸委如何七十年汗艱

含羞恥韓彭不再生英衛皆為鬼凶門爪牙輩穰穰如

兒戲累聖但日吁閭外將誰寄屯田數十萬隄防常惴

惴急征赴軍須厚賦資凶器因隳畫一法且逐隨時利

流品極蒙尤網羅漸離弛夷狄日開張黎元愈憔悴邈

矣遠太平蕭然盡煩費至於貞元末風流恣綺靡艱極

泰循來元和聖天子元和聖天子英明湯武上茅茨覆

宮殿封章綻帷帳伍旅拔雄兒夢卜庸真相勃雲走轟

霆河南一平盪繼於長慶初燕趙中舁襁携妻負子來
北闕爭頓顙故老扶兒孫爾生今有望茹鯁喉尚隘負
重力未壯坐幄無奇兵吞舟漏疎網骨添薊垣沙血漲
滹沱浪祇云徒有征安能問無狀一日五諸侯奔亡如
鳥往取之難梯天失之易反掌蒼然太行路翦翦還榛
莽關西賤男子誓肉虜極羹請數條虜事誰其為我聽
蕩蕩乾坤大曛曛日月明叱起文武業可以豁洪溟安
得封域內長有扈苗征七十里百里彼亦何常爭往往

念所至得醉愁蘇醒韜舌辱壯心叫閤無助聲聊書感
懷韻焚之遺賈生

郡齋獨酌

黃州作

前年髻生雪今年鬚帶霜時節序鱗次古今同鴈行甘
英窮西海四萬到洛陽東南我所見西北計幽荒中畫
一萬國角角綦布方地頑壓不穴天迴老不僵屈指百
萬世過如霹靂忙人生落其內何者為彭殤促束自繫
縛儒衣寬且長旗亭雪中過敢問當爐娘我愛李侍中

標標七尺強白羽八扎弓腔壓綠檀槍風前略橫陣紫
髯分兩傍淮西萬虎士怒目不敢當功成賜宴麟德殿
援起鵲掠廣球場三千宮女側頭看相排踏碎雙明璫
旌竿慄慄旗燿燿意氣橫鞭歸故鄉我愛朱處士三吳
當中央罷亞名稻百頃稻西風吹半黃尚可活鄉里豈唯
滿困倉後嶺翠撲撲前溪碧泱泱霧曉起鳬鴈日晚下
牛羊叔舅欲飲我社甕爾來嘗伯姊子欲歸彼亦有壺
漿西阡下柳塢東陌遶荷塘姻親骨肉舍烟火遙相望

太守政如水長官貪似狼征輸一云畢任爾自存亡我
昔造其室羽儀鸞鶴翔交橫碧流上竹映琴書牀出語
無近俗堯舜禹武湯問今天子少誰人為棟梁我曰天
子聖晉公提紀綱聯兵數十萬附海正誅滄謂言大義
小不義取易卷席如探囊犀甲吳兵關弓弩蛇矛燕騎
馳鋒鋌豈知三載幾百戰鉤軍不得望其牆荅云此山
外有事同胡羗誰將國伐叛話與釣魚郎溪南重廻首
一徑出修篁爾來十三歲斯人未曾忘往往自撫已淚

下神蒼茫御史詔分洛舉止何猖狂闕下諫官業拜疏
無文章尋僧解幽夢乞酒緩愁腸豈為妻子計未去山
林藏平生五色線願補舜衣裳絃歌教燕趙蘭芷浴河
湟腥膻一掃灑兇狼皆披攘生人但眠食壽域富農桑
孤吟志在此自亦笑荒唐江郡雨初霽刀好截秋光池
邊成獨酌擁鼻菊枝香醺酣更唱太平曲仁聖天子壽
無疆

張好好詩

并序

牧太和三年佐故吏部沈公江西幕好好年十三始以
善歌來樂籍中後一歲公移鎮宣城復置好好於宣城
籍中後二歲為沈著作述師以雙鬟納之後二歲於
洛陽東城重覩好好感舊傷懷題詩贈之

君為豫章姝十三纔有餘翠茁鳳生尾丹葉蓮含跗高
閣倚天半章江聯碧虛此地試君唱特使華筵鋪主公
顧四座始訝來踟躕吳娃起引贊低徊映長裾雙鬟可
高下纔過青羅襦盼盼乍垂袖一聲離鳳呼繁絃迸闕

袖塞管列圓蘆衆音不能逐裊裊穿雲衢主公再三嘆
謂言天下殊贈之天馬錦副以水犀梳龍沙看秋浪明
月逐東湖自此每相見三日已為疎玉質隨月滿艷態
逐春舒絳脣漸輕巧雲步轉虛徐旌旆忽東下笙歌隨
舳艫霜凋謝樓樹沙暖句溪蒲身外任塵土樽前極歡
娛飄然集仙客

著作當任
集賢校理

諷賦欺相如聘之碧瑤珮載

以紫雲車洞閉水聲遠月高蟾影孤爾來未幾歲散盡

高陽徒洛城重相見婣婣為當爐怪我苦何事少年垂

白鬚朋遊今在否落拓更能無門館慟哭後水雲秋景
初斜日掛衰柳涼風生座隅灑盡滿衿淚短歌聊一書

冬至日寄小姪阿宜

小姪名阿宜未得三尺長頭圓筋骨緊兩臉明且光去
年學官人竹馬遶四廊指揮羣兒輩意氣何堅剛今年
始讀書下口三五行隨兄旦夕去歛手整衣裳去歲冬
至日拜我立我旁祝爾願爾貴仍且壽命長今年我江
外今日生一陽憶爾不可見祝爾傾一觴陽德比君子

初生甚微茫排陰出九地萬物隨開張一似小兒學日
就復月將勤勤不自己二十能文章仕宦至公相致君
作堯湯我家公相家劒珮嘗叮嚀舊第開朱門長安城
中央第中無一物萬卷書滿堂家集二百編上下馳皇
王多是撫州寫今來五紀強尚可與爾讀助爾為賢良
經書刮根本史書閱興亡高摘屈宋艷濃薰班馬香李
杜泛浩浩韓柳摩蒼蒼近日四君子與古爭強梁願爾
一祝後讀書日日忙一日讀十紙一月讀一箱朝廷用

文治大開官職塲願爾出門去取官如驅羊吾兄苦好
古學問不可量晝居府中治夜歸書滿床後貴有金玉
必不為汝藏崔昭生崔芸李兼生窟郎堆錢一百屋破
散何披猖今雖未即死餓凍幾欲僵叅軍與縣尉塵土
驚動勸一語不中治咎壘身滿瘡官罷得絲髮好買百
樹桑稅錢未輸足得米不敢嘗願爾聞我語懽喜入心
腸大明帝宮闕杜曲我池塘我苦自潦倒看汝爭翱翔
總語諸小道此詩不可忘

李甘詩

太和八九年訓注極魑虎潛身九地底轉上青天去四海鏡清澄千官雲片縷公私各閒暇追遊日相伍豈知禍亂根枝葉潛滋莽九年夏四月天誠若言語裂風駕地震擗雷驅猛雨夜於正殿階拔去千年樹吾君不醒覺二凶日威武操持北斗柄開閉天門路森森明庭士縮縮循牆鼠平生負名節一旦如奴虜指名為錮黨狀跡誰告訴喜無李杜誅敢憚髡鉗苦時當秋夜月日直

日庚午喧喧皆傳言明晨相登注予時與和鼎官班各持斧和鼎顧予云我死有處所當庭裂詔書退立須鼎俎君門曉日開緒案橫霞布儼雅千官容勃鬱吳纍怒適屬命麟將趙昨之傳者誤明日詔書下謫斥南荒去

夜登青泥坂墜車傷左股病妻尚在床稚子初離乳幽蘭思楚澤恨水啼湘渚怵怵三閭魂悠悠一千古其冬三兇敗渙汗開湯罍賢者須喪亡讒人尚堆堵予於後四年諫官事明主常欲雪幽寃於時一裨補拜章豈艱

難膽薄多憂懼如何千斗氣竟作炎荒土題此涕滋筆
以代投湘賦

洛中送異處士東遊

處士有儒術走可挾車輶壇宇寬帖帖符彩高酋酋不
愛事耕稼不樂干王侯四十餘年中迢迢為浪遊元和
五六歲客於幽魏州幽魏多壯士意氣相淹留劉濟願
跪履田興請建籌處士拱兩手笑之但掉頭自此南走
越尋山入羅浮願學不死藥粗知其來由却於童頂上

蕭蕭玄髮抽我作八品吏洛中如繫囚忽遭異處士豁
若登高樓拂榻與之坐十日語不休論今星燦燦考古
寒飈飈治亂掘根本蔓延相牽鉤武事何駿壯文理何
優柔顏回捧俎豆項羽橫戈矛祥雲繞毛髮高浪開咽
喉但可感鬼神安能為獻酬好入天子夢刻象來爾求
胡為去吳會欲浮滄海舟贈以蜀馬箠副之胡罽裘餞
酒載三斗東郊黃葉稠我感有淚下君唱高歌酬嵩山
高萬尺洛水流千秋往事不可問天地空悠悠四百年

炎漢三十代宗周二三里遺堵八九所高丘人生一世
內何必多悲愁謾闕解攜去信非吾輩流

送沈處士赴薊州李中丞招以詩贈行

山城樹葉紅下有碧溪水溪橋向吳路酒旗誇酒美下
馬此送君高謠為君醉念君苞材能百工在城壘空山
三十年鹿裘掛牕睡自言隴西公飄然我知己舉酒屬
吳門今朝為君起懸弓三百斤囊書數萬紙戰賊即戰
賊為吏即為吏盡我所有無惟公之指使予曰隴西公

滔滔大君子常思掄羣材一為國家治譬如匠見木礙
眼皆不棄大者麓十圍小者細一指楫楸與棟梁施之
皆有位忽然豎明堂一揮立能致予亦何為者亦受公
恩紀處士常有言殘虜為犬豕常恨兩手空不得一馬
箠今依隴西公如虎傅兩翅公非刺史材當坐巖廊地
處士魁竒姿必展平生志東吳饒風光翠巘多名寺疎
烟疊疊秋獨酌平生思因書問故人能忘批紙尾公或
憶姓名為說都憔悴

長安送友人遊湖南

子性劇弘和愚衷深褊狷相舍囂說中吾過何由鮮楚
南饒風烟湘岸苦縈宛山密夕陽多人稀芳草遠青梅
繁枝低班筍新梢短莫哭蔡魚人酒醒且眠飯

雪中書懷

臘雪一尺厚雲凍寒頑癡孤城大澤畔人疎烟火微憤
悵欲誰語憂愠不能持天子號神聖任賢如事師凡稱
曰治具小大無不施明庭開廣敞才雋受羈維如日月

緱昇若鸞鳳歲蕤人才自朽下棄去亦其宜北虜壞亭
障間屯千里師牽連久不解他盜恐旁窺臣實有長策
彼可徐鞭笞如蒙一召議食肉寢其皮斯乃廟堂事爾
微非爾知向來躡等語長作陷身機行當臘欲破酒儕
不可遲且想春候暖甕間傾一卮

雨中作

賤子本幽傭多為雋賢侮得州荒僻中更值連江雨一
褐擁秋寒小牕侵竹塢濁醪氣色嚴皤腹瓶甕古酣酣

天地寬
怳怳稽劉伍
但為適性情
豈是藏鱗羽
一世一
萬朝朝朝醉中去

偶遊石盍僧舍

宣州作

敬岑草浮光
句吐水解脈
益鬱乍怡融
凝嚴忽顛圻
梅類暖眠酣
風緒和無力

五字絕妙
填詞料

鳧浴漲汪汪
雛嬌村

幕幕落日美
樓臺輕烟飾
阡陌漱綠古
津遠積潤苔
基濕孰謂漢
陵人來作江
汀客載筆念
無能捧籌慙
所畫任轡偶
追閒逢幽果
遭適僧語淡
如雲塵事繁
堪織今

古幾輩人而我何能息

赴京初入汴口曉景即事寄兵部李郎中

清淮控隋漕北走長安道檣形櫛櫛斜浪態迤迤好初
旭紅可染明河澹如掃澤潤鳥來遲村饑人語早

通真露

蔓蟲絲多風蒲燕雛老秋思高蕭蕭客愁長裊裊因懷
京洛間宦遊何戚草卒伍持津梁瀕湧爭追討翺便詎
可尋幾秘安能考小人乏馨香上下將何禱惟有君子
心顯豁如幽抱

獨酌

長空碧杳杳萬古一飛鳥生前酒伴閒愁醉閒多少烟
深隋家寺殷葉暗相照獨佩一壺遊秋毫泰山小

惜春

春半年已除其餘強為有即此醉殘花便同嘗臘酒悵
望送春杯殷勤掃花帚誰為駐東流年年長在手

題安州浮雲寺樓寄湖州張郎中

去夏疎雨餘同倚朱欄語當時樓下水今日到何處

樓下水正是
深於懷人處
恨如春草多事與孤鴻去
楚岫柳何窮別
愁紛若絮

樊川集卷一

欽定四庫全書薈要卷一萬四千三

集部

樊川集卷二

唐 杜牧 撰

五言古

律詩 附

華清宮

玄宗如驪山改
溫泉宮為華清

繡嶺明珠殿層巒下
繚牆仰窺雕檻影
猶想赭袍光昔
帝登封後中原自古強
一千年際會三萬里農桑
几席延堯舜軒墀立禹湯
雷霆馳號令星斗煥文章
鈞築乘

時用芝蘭在處芳北扉間木索南面富循良至道思玄
圃平居厭未央鉤陳褱巖谷文陛壓青蒼歌吹千秋節
樓臺八月涼神仙高縹緲環珮碎叮嚀泉暖涵牕鏡雲
嬌惹粉囊嫩嵐滋翠葆清渭照紅粧帖泰生靈壽懽娛
歲序長月聞仙曲調霓作舞衣裳雨露偏金穴乾坤入
醉鄉玩兵師漢武迴手倒干將鯨鬣掀東海胡牙揭上
陽喧呼馬嵬血零落羽林槍傾國留無路還魂怨有香
蜀峰橫慘澹秦樹遠微茫鼎重山難轉天扶業更昌望

賢餘故老花夢舊池塘往事人誰問幽襟淚獨傷碧簷
斜送日殷葉半凋霜迸水傾瑤砌疎風鏤玉房塵埃羯
鼓索片段荔枝筐鳥啄摧寒木蝸涎蠹畫梁孤烟知客
恨遙起秦陵傍

許七侍御棄官東歸瀟灑江南頗聞自適高秋企
望題詩寄贈

天子繡衣吏東吳美退居有園同庾信避事學相如蘭
畹晴香嫩筠溪翠影疎江山九秋後風月六朝餘錦肆

開詩軸青囊結道書
霜巖紅薜荔露沼白芙蕖
睡雨高梧密棊燈小閣
虛凍醪元亮秣寒鱸
季鷹魚塵意迷今古
雲情識卷舒他年雪中
棹陽羨訪吾廬

於義興縣近有水榭

題永宗西平王宅太尉愬院

天下無雙將關西第一雄
授符黃石老學劍白猿翁
矯矯雲長勇恂恂郗縠風
家呼小太尉國號大梁公

太尉季弟

司徒聽亦封梁國公
半夜龍驤去中原虎穴空
隴山兵十萬嗣子

握琱弓

今鳳翔李尚書太尉長子

杜秋娘詩 并序

杜秋金陵女也年十五為李錡妾後錡叛滅籍之入宮
有寵於景陵穆宗即位命秋為皇子傅姆皇子壯封漳
王鄭注用事誣丞相欲去已者指王為根王被罪廢削
秋因賜歸故鄉予過金陵感其窮且老為之賦詩

京江水清滑生女白如脂其間杜秋者不勞朱粉施老

淪即山鑄後庭千雙眉秋持玉箏醉與唱金縷衣

李錡
長唱

金縷
衣辭

淪既白首叛秋亦紅淚滋吳江落日渡灞岸綠楊

垂聯裾見天子盼

普覓反

眇

莫見反

獨依依椒壁懸錦幕鏡

奩蟠蛟螭低鬟認新寵窈窕復融怡月上白壁門桂影

涼參差金階露新重閒捻紫簫吹

晉書盜開涼州張駿塚得紫玉簫

莓

苔夾城路南苑鴈初飛紅粉羽林仗獨賜辟邪旗歸來

煮豹胎饜飫不能飴咸池昇日慶銅雀分香悲雷音後

車遠事往落花時燕裙得皇子壯髮綠綫綫畫堂授傅

姆天人親捧持虎睛珠落褕金盤犀鎮帷長楊射熊羆

武帳弄啞呶漸拋竹馬劇稍出舞雞奇嶄嶄整冠珮侍

宴坐瑤池眉宇儼圖書神秀射朝輝一尺桐偶人江克
知自欺王幽茅土削秋放故鄉歸觚稜拂斗極迴首尚
遲遲四朝三十載似夢復疑非潼關識舊吏吏髮已如
絲却與吳江渡舟人那得知歸來四鄰改茂苑草菲菲
清血洒不盡仰天知問誰寒衣一疋素夜借鄰人機我
昨金陵過聞之為歔歔自古皆一貫變化安能推夏姬
滅兩國逃出巫臣姬西子下姑蘇一舸逐鴟夷織室魏
豹俘作漢太平基悞置代籍中兩朝尊母儀光武紹高

祖本係生唐兒珊瑚破高齊作婢養黃糜蕭后去揚州
突厥為閼氏女子固不定士林亦難期射鈎後呼父釣
翁王者師無國要孟子有人毀仲尼秦因逐客令柄歸
丞相斯安知魏齊首見斷箐中屍給喪屨張輩廊廟冠
我危珥貂七葉貴何妨戎虜支蘇武却生返鄧通終死
饑主張既難測翻覆亦其宜地盡有何物天外復何之
指何為而捉足何為而馳耳何為而聽目何為而窺已
身不自曉此外何思惟因傾一樽酒題作杜秋詩愁來

獨長詠聊可以自怡

池州送孟遲先輩

昔子來陵陽時當苦炎熱我雖在金臺頭角長垂折奉
披塵意驚立語平生豁寺樓最窻軒坐送飛鳥沒一櫓
中夜酒半破前峰月烟院松飄蕭風廊竹交憂時步郭
西南繚徑苔圓拆好鳥響叮叮小溪光泱泱

晉八切

籬落

見娉婷機絲弄啞軋烟濕樹姿嬌雨餘山態活仲秋往
歷陽同上牛磯歌大江吞天去一練橫坤抹千帆美滿

風曉日殷鮮血歷陽裴太守襟韻苦超越鞞鼓盡麒麟
看君擊狂節離袖颭應勞恨粉啼還咽明年忝諫官綠
樹秦川濶子提健筆來勢若夸父渴九衢林馬過千門
織車轍秦臺破心膽黯陣驚毛髮子既屈一鳴余固宜
三刖慵憂長者來病怯長街唱僧爐風雪夜相對眠一
褐暖灰重擁瓶曉粥還分鉢青雲馬生角黃州使持節
秦嶺望樊川祇得迴頭別商山四皓祠心與擣菹說大
澤蕪葭風孤城孤兔窟且復考詩書無因見簪笏古訓

屹如山古風冷刮骨周鼎列瓶罍荆壁橫拋擲

蘇割切

力

盡不可取忽忽狂歌發三年未為苦兩郡非不達秋浦
倚吳江去檝飛青鵲溪山好畫圖洞壑深閨闥竹岡森
羽林花塢團宮纈景物非不佳獨坐如韝絀丹鵲東飛
來喃喃送君札呼兒旋供衫走門空踏襪手把一枝物
桂花香帶雪喜極至無言笑餘翻不悅人生直作百歲
翁亦是萬古一瞬中我欲東召龍伯翁上天揭取北斗
柄蓬萊頂上斡海水水盡到底看海空月於何處去日

於何處來跳丸相趁走不住堯舜禹湯文武周孔皆為
灰酌此一杯酒與君狂且歌離別豈足更關意衰老相
隨可奈何

題池州弄水亭

弄水亭前溪颯颯翠綃舞綺席草芊芊紫嵐峰伍伍螭
蟠得形勢翬飛如軒戶一鏡奩曲堤萬丸跳猛雨檻前
燕鴈棲枕上巴帆去叢筠侍修廊密蕙媚幽圃杉樹碧
為幢花駢紅作堵停樽遲晚月咽咽上幽渚客舟耿孤

燈萬里人夜語漫流胃苔槎饑鳧晒雪羽玄絲落鈎餌
冰鱗看吞吐斷霓天帔垂狂燒漢旗怒曠朗半秋曉蕭
瑟好風露光潔疑可攬欲以襟懷貯幽抱吟九歌羈情
思湘浦四時皆異狀終日為良遇小山浸石稜撐舟入
幽處孤謠倚桂巖晚酒眠松塢紆餘帶竹村蠶鄉足砧
杵塍泉落環珮畦苗差纂組風俗知所尚豪強恥孤侮
鄰喪不相舂公祖無詬負農時貴伏臘簪瑱事禮賂鄉
校富華禮征行產強弩不能自勉去但媿來何暮故園

漢上林信美非吾土

題宣州開元寺

寺置於東晉時

南朝謝朓城東吳最深處亡國如去鴻遺寺藏烟塢樓
飛九十尺廊環四百柱高高下下中風繞松桂樹青苔
照朱閣白鳥兩相語溪聲入僧夢月色暉粉堵閱景無
旦夕憑欄有今古留我酒一樽前山看春雨

贈宣州元處士

陵陽北郭隱身世兩忘者蓬蒿三畝居寬於一天下樽

酒對不酌默語玄相話人生自不足愛嘆遭逢寡

村行

春半南陽西桑桑過村塢娉娉垂柳風點點迴塘雨裊
唱牧牛兒籬窺菡萏女半濕解征衫主人饋雞黍

史將軍

長鉦周都尉閑如秋嶺雲取蝥弧登壘以駢鄰翼軍百
戰百勝價河南河北聞今遇太平日老去誰憐君

其二

壯氣蓋燕趙耽耽魁傑人彎弧五百步長戟八十斤河
湟非內地安史有遺塵何日武臺坐兵符授虎臣

奉和門下相公送西川相公兼領相印出鎮全蜀

十八韻

盛業冠伊唐台階翊戴光無私天雨露有截舜衣裳蜀
輟新衡鏡池留舊鳳凰同心真石友寫恨茂河梁虎騎
搖風旆貂冠韻水蒼彤弓隨武庫金印逐文房棧壓嘉
陵咽峰橫劍閣長前驅二星去開險五丁忙迴首崢嶸

盡連天草樹芳丹心懸魏闕往事愴甘棠治化輕諸葛
威聲懾夜郎君平教說卦夫子召升堂塞接西山雪橋
維萬里檣奪霞紅錦爛撲地酒壚香忝逐三千客曾依
數仞牆滯頑堪白屋攀附一周行肉管伶倫曲簫韶清
廟章唱高知和寡小子斐然狂

自遣

四十已云老况逢憂窘餘且抽持板手却展小年書嗜
酒狂嫌阮知非晚笑遽聞流寧嘆吒待俗不親疎遇事

知裁剪操心識卷舒還稱二千石於我意何如

贈沈學士張謨人

拖袖事當年郎教唱客前斷時輕裂玉收處遠縹烟孤
直縷雲定光明滴水圓泥情遲急管流恨咽長絃吳苑
春風起河橋酒旆懸憑君更一醉家在杜陵邊

昔事

昔事文皇帝叨官在諫垣奏章為得地辭齒負明恩金
虎知難動毫釐亦恥言撩頭雖欲吐到口却成吞照膽

常懸鏡窺天自戴盆周鐘既窕櫨

胡化切

黥陣亦癡痕鳳

闕觚稜影仙盤曉日暎雨晴文石滑風暖戟衣翻每慮
號無告長憂駭不存隨行唯跼蹐出語但寒暄宮省咽
喉任戈矛羽衛屯光塵皆影附車馬走西奔億萬持衝
價鎗銖挾契論堆時過北斗積處滿西園接棹隋河溢
連蹄蜀棧利漉空滄海水搜盡卓王孫鬪巧猴雕刺誇
趨索掛跟狐威假白額梟嘯得黃昏馥馥芝蘭圃森森
枳棘藩吠聲嗾國猗公議怯膺門竄逐諸丞相蒼茫遠

帝閭一名為吉士誰免弔湘魂問世英明主中興道德
尊崑岡憐積火河漢注清源川口隄防決陰車鬼怪掀
重雲開朗炤九地雪幽冤我寔剛腸者形甘短褐髡曾
經觸蠆尾猶得凭熊軒杜若芳洲翠巖光釣瀨喧溪山
侵越角封壤盡吳根客恨縈春細鄉愁壓思繁祝堯千
萬壽再拜挹餘樽

春末題池州弄水亭

使君四十四兩佩左銅魚為吏非循吏論書讀底書晚

花紅艷盡高樹綠陰初
亭宇清無比溪山盡不
如嘉賓
能嘯咏官妓巧妝梳
逐日愁皆碎隨時醉有
餘偃須求
五鼎陶祇愛吾廬趣
向人皆異賢豪莫笑渠

池州廢林泉寺

廢寺碧溪上顏垣倚亂峰
看栖歸樹鳥猶想過山
鐘石
路尋僧去此生應不逢

除官歸京睦州雨霽

秋半吳天霽清凝萬里光
水聲侵笑語嵐翠簇衣裳
遠

樹疑羅帳孤雲認粉囊溪山浸兩越時節到重陽顧我
能甘賤無由得自強悞曾公觸尾不敢夜循牆豈意籠
飛鳥還為錦帳郎網今開傳變書舊識黃香曾在史館四年姪
女真虛語饑兒欲一行淺深須揭厲休更學張綱

新轉南曹未叙朝散初秋暑退出守吳興書此見
志

捧詔汀洲去全家羽翼飛喜拋新錦帳榮借舊朱衣且
免材為累何妨拙有機宋株聊自守魯酒怕旁圍清尚

寧無素光陰亦未晞一盃寬幕席五字弄珠璣越浦黃
柑嫩吳溪紫蟹肥平生江海志佩得左魚歸

題茶山

在宜興

山實東吳秀茶稱瑞草魁剖符雖俗吏修貢亦仙才溪
盡停蠻棹旗張卓翠苔柳村穿窈窕松澗渡喧豗等級
雲峰峻寬平洞府開拂天聞笑語特地見樓臺泉嫩黃
金湧金沙泉修貢
出罷貢即絕牙香紫壁裁拜章期沃日輕騎疾奔
雷舞袖嵐侵潤歌聲谷荅迴磬音藏葉鳥雪艷照潭梅好

是全家到廬為奉詔來樹陰香作帳花徑落成堆景物
殘三月登臨愴一杯重遊難自尅俛首入塵埃

還俗老僧

雪髮不長寸秋寒力更微獨尋一徑葉猶挈衲殘衣日
暮千峰裏不知何處歸

斫竹

寺廢竹色死宦家寧爾留霜根漸隨斧風玉尚敲秋江
南苦吟客何處送悠悠

揚州

街垂千步柳霞映兩重城天碧臺閣麗風涼歌管清纖
腰間長袖玉珮雜繁纓拖軸誠為壯豪華不可名自是
荒淫罪何妨作帝京

臺城曲

整整復斜斜隨旗簇晚沙門外韓擒虎樓頭張麗華誰
憐容足地却羨井中龜

其二

王頒兵勢急鼓下坐蠻奴
湫漜倪塘水义牙出骨鬚乾
蘆一炬火迴首是平蕪

春日言懷寄虢州李常侍

岼蘚生紅藥巖泉漲碧塘
地分蓮嶽秀草接鼎原芳
南派淒淒急風畦芷若香
織篷眠舴艋驚夢起鴛鴦
論吐開冰室詩陳曝錦張
貂簪荆玉潤丹穴鳳毛光

子弟新
登甲科

今日還株守何年執戟郎
且嫌遊畫短莫問積薪場
無計披清裁唯持祝壽觴
願公如衛武百歲尚康強

和野人殷潛之題籌筆驛十四韻

三吳裂婺女九錫誑孤兒
霸主業未半本朝心是誰
永安宮受詔籌筆驛沉思
畫地乾坤在濡毫勝負知
艱難同草創得失計毫釐
寂默經千慮分明渾一期
川流縈智思山聳助扶持
慷慨匡時略從容問罪師
褒中秋鼓角渭曲晚旌旗
仗義懸無敵鳴攻固有辭
若非天奪去豈復慮能支
子夜星纔落鴻毛鼎便移
郵亭世自換白日事長垂
何處躬耕者猶題殄瘁詩

寄內兄和州崔員外

歷陽崔太守何日不含情恩義同鍾李

李膺鍾瑒中外兄弟友善 損

筮寶弟兄光塵能渾合壁畫最分明臺閣仁賢譽閨門

孝友聲西方像教毀南海繡衣行

為嶺南副使

金索寧迴顧

珠簾肯一棖祇宜裁密詔何自取專城進退無非道徊

翔必有名好風初婉軟離思苦縈盈金馬舊遊貴桐廬

春水生雨侵寒牖夢梅引凍醪傾共祝中興主高歌唱

太平

簾

徒云逢剪削豈謂見偏裝
鳳節輕雕目鸞花薄飾香
問屏何屈曲憐帳少周防
下清金階露斜分碧瓦霜
沉沉伴春夢寂寂侍華堂
誰見昭陽殿真珠十二行

少年行

官為駿馬監職帥羽林兒
兩綬藏不見落花何處明
獵敲白玉鐙怒袖紫金鉞
田竇長留醉蘇辛曲讓岐
豪持出塞節笑別遠山眉
捷報雲臺賀公卿拜受卮

雪晴訪趙嘏

命代風騷將誰登李杜壇少陵鯨海動翰苑鶴天寒
今日訪君還有意三條冰雪獨來看

樊川集卷二

謹案卷一第一頁後二行未雲何龍按唐文粹雲

作雲

第六頁後四行前年髻生雪刊本雪訛霜據全唐

詩改

第六頁後五行西北計幽荒刊本計訛許據全唐

詩改

第八頁後三行為沈著作述師刊本復衍師字今

刪

卷二第二頁後七行司徒聽亦封梁國公刊本聽

訛德提唐書改



總校官庶吉士

臣

張能照

校對官編修

臣

楊壽楠

謄錄監生

臣

阮坦

欽定四庫全書薈要

集部

樊川集卷三

四

詳校官助教臣常循



欽定四庫全書薈要卷一萬四千四

集部

樊川集卷三

唐 杜牧 撰

題桐葉

去年桐落故溪上把葉因題歸燕詩江樓今日送歸燕
正是去年題葉時葉落燕歸真可惜東流玄髮且無期
笑筵歌席反惆悵朗月清風見別離莊叟彭殤同在夢

陶潛身世兩相遺
一九五色成虛語
石爛松薪更莫疑
哆侈不勞文似錦
進趨何必利如錐
錢神任爾知無敵
酒量於吾亦庶幾
江畔秋光蟾閣鏡
檻前山翠茂陵眉
罇香輕泛數枝菊
簷影斜侵半局棋
休指宦遊論巧拙
只將愚直禱神祇
三吳烟水平生念
寧向間人道所之

皇風

仁聖天子神且武
內興文教外披攘
以德化人漢文帝
側身修道周宣王
迺音蹊巢穴盡窒塞
禮樂刑政皆弛

張何當提筆待巡狩前驅白旆弔河湟

過驪山作

始皇東遊出周鼎劉項縱觀皆引頸削平天下實辛勤
却為道旁窮百姓黔首不愚爾益愚千里函關囚獨夫
牧童火入九泉底燒作灰時猶未枯

重送

手撚金僕姑腰懸玉轆轤爬頭峰北正好去係取可汗
鉗作奴六宮雖念相如賦其那防邊重武夫

大雨行

開成三年宣州開元寺作

東垠黑風駕海水海底卷上天中央三吳六月忽悽慘
晚後點滴來蒼茫錚棧雷車軸轍壯矯躩蛟龍爪尾長
神鞭鬼馭載陰帝來往噴洒何顛狂四面崩騰玉京仗
萬里橫牙羽林槍雲纏俊坤闕密鎖愁開張太和六年
亦如此我時壯氣神洋洋東樓聳首看不足恨無羽翼
高飛翔盡召邑中豪健者闊展朱盤開酒場奔觥槌鼓
助聲勢眼底不顧纖腰娘今年鬅髻已白奇遊壯觀

唯深藏景物不盡人自老誰知前事堪悲傷

自宣州赴官入京路逢裴坦判官歸宣州題贈

敬亭山下百頃竹中有詩人小謝城城高跨樓滿金碧
下聽一溪寒水聲梅花落徑香繚繞雪白玉璫花下行
紫風酒旆掛朱閣半醉遊人聞弄笙我初到此未三十
頭腦鈐利筋骨輕畫堂檀板秋拍碎一引有時聯十觥
老閑腰下丈二組塵土高懸千載名重遊鬢白事皆改
唯見東流春水平對酒不敢起逢君還眼明雲疊看人

捧波臉任他橫一醉六十日古來聞阮生是非離別際
始見醉中情今日送君話前事高謔引劍還一傾江湖
酒伴如相問終老烟波不計程

河湟

元載相公會借箸憲宗皇帝亦留神旋見衣冠就東市
忽遺弓劍不西巡牧羊驅馬雖戎服白髮丹心盡漢臣
唯有涼州歌舞曲流傳天下樂閒人

東兵

上黨爭為天下脊邯鄲四十萬秦坑狂童何者欲專地
聖主無私豈翫兵玄象森羅搖北落詩人章句詠東征
雄如馬武皆彈劍少似終軍亦請纓屈指廟堂無失策
垂衣堯舜待昇平羽林東下雷霆怒楚甲南來組練明
即墨龍文光照耀常山蛇陣勢縱橫落鵬都尉萬人敵
黑稍將軍一鳥輕漸見長圍雲欲合可憐窮壘帶猶縈
凱歌應是新年唱便逐春風浩浩聲

聞慶州趙縱使君與党項戰中箭身死

將軍獨乘鐵驄馬榆溪戰中金僕姑死綏却是古來有
驍將自驚今日無青史文章爭點筆朱門歌舞笑捐驅
誰知我亦輕生者不得君王丈二戈

送王侍御赴夏口座主幕

君為珠履三千客我是青衿七十徒禮數全優知隗始
討論常見念回愚黃鶴樓前春水濶一杯還憶故人無
五言律

早春閣下寓值蕭九舍人亦值內署因寄書懷四

韻

御水初銷凍宮花尚怯寒千峰橫紫翠雙闕凭欄杆玉
漏輕風順金莖淡日殘王喬在何處清漢正驂鸞

秋晚與沈十七舍人期遊樊川不至

邀侶以官解泛然成獨遊川光初媚日山色正矜秋野
竹疎還密巖泉咽復流杜村連滴水晚步見垂鈎

李給事

晚髮悶還梳意君秋醉餘可憐劉校尉曾訟石中書

事給

忤仇軍容
棄官東歸

消長雖殊事仁賢每見如因看魯褒論何處

是吾廬

送容州中丞赴鎮

交趾同星座龍泉佩斗文燒香翠羽帳看舞鬱金裙
鷁首衝瀧浪犀渠拂嶺雲莫教銅柱北空說馬將軍

自貽

杜陵蕭次君遷少去官頻寂寞憐吾道依稀似古人
飾心無彩績刻骨是風塵自嫌如足素刀尺不由身

憶遊朱坡

秋草樊川路斜陽覆盜門
獵逢韓嫣騎樹識館陶園
帶雨經荷沼盤烟下竹村
如今歸不得自戴望天盆

東都送鄭處誨校書歸上都

悠悠渠水清雨霽洛陽城
槿墮初開艷蟬聞第一聲
故人容易去白髮等閒生
此別無多語期君晦盛名

揚州

煬帝雷塘上迷藏有舊樓
誰家唱水調明月滿揚州

煬帝

鑿汴渠成
自作水調

駿馬宜閒出千金好暗遊喧闐醉年少半脫

紫茸裘

其二

秋風放螢苑春草鬪雞臺金絡擎鵬去鸞鬟拾翠來蜀
船紅錦重越索水沉堆處處皆華表淮王奈却迴

題揚州禪智寺

雨過一蟬噪飄蕭松桂秋青苔滿階砌白鳥故遲留暮
靄生深樹斜陽下小樓誰知竹西路歌吹是揚州

句溪夏日送盧霈秀才歸王屋山將欲赴舉

野店正紛泊繭蠶初引絲

借事以記時
最得古法

行人碧溪渡繫

馬綠楊枝冉冉跡始去悠悠心所期秋山念君別惆悵
桂花時

池州春送前進士蒯希逸

芳草復芳草斷腸還斷腸自然堪下淚何必更殘陽楚
岫千萬里燕鴻三兩行有家歸不得況舉別君觴

憶齊安郡

平生睡足處雲夢澤南州一夜風欺竹連江雨送秋格
卑常汨汨力學強悠悠終掉塵中手瀟湘釣漫流

睦州

州在釣臺邊溪山實可憐有家皆掩映無處不潺湲好
樹鳴幽鳥晴樓入野烟殘春杜陵客中酒落花前

秋晚早發新定

解印書千軸重陽酒百缸涼風滿紅樹曉月下秋江巖
壑會歸去塵埃終不降懸纓未敢濯嚴瀨碧淙淙

夜泊桐廬寄蘇臺盧郎中

水檻桐廬館歸舟繫石根
笛吹孤戍月犬吠隔溪村
十載違清裁幽懷未一論
蘇臺菊花節何處與開樽

題白蘋洲

山鳥飛紅帶亭薇折紫花
溪光初透徹秋色正清華
靜處知生樂喧中見死誇
無多珪組累終不負烟霞

茶山下

春風最窈窕日曉柳村西
嬌容光占岫健水鳴分溪
燎

巖野花遠憂瑟幽鳥啼把酒坐芳草亦有佳人攜

春日茶山病不飲酒因呈賓客

笙歌登畫船十日清明前山秀白雲膩溪光紅粉鮮欲
開未開花半陰半晴天誰知病太守猶得作茶仙

不飲贈官妓

芳草正得意汀洲日欲西無端千樹柳更拂一條谿幾
朶梅堪折何人手好攜誰憐佳麗地春恨却悽悽

早春贈軍事薛判官

雪後新正半春來四刻長晴梅朱粉艷嫩水碧羅光絃
管開雙調花鈿坐兩行唯君莫惜醉認取少年場

代吳興妓春初寄薛軍事

霧冷侵紅粉春陰撲翠鈿自悲臨曉鏡誰與惜流年柳
暗霏微雨花愁黯淡天金釵有幾隻抽當酒家錢

栽竹

本因遮日種却似為溪移歷歷羽林影疎疎烟露姿蕭
騷寒雨夜敲劖晚風時故國何年到塵冠掛一枝

梅

輕盈照溪水掩歛下瑤臺
妬雪聊相比欺春不逐來
偶同佳客見似為凍醪開
若在秦樓畔堪為弄玉媒

鷓鴣

芝莖抽紺趾清喉擲金梭
日翅閒張錦風池去罨羅
靜眠依翠荇暖戲折高荷
山陰豈無爾繭字換羣鴛

鸚鵡

華堂日漸高雕檻繫紅緇
故國隴山樹美人金剪刀
避

籠交翠尾罅嘴靜新毛不念三緘事世途皆爾曹

鶴

清音迎晚月愁思立寒蒲丹頂西施頰霜毛四皓鬚
碧雲行止躁白露性靈麤終日無羣伴溪邊弔影孤

鷓鴣

擾擾復翻翻黃昏颺冷烟毛欺皇后髮聲感楚姬絃
蔓壘盤風下霜林接翅眠祇如西旅樣頭白豈無緣

江上雨寄崔碣

春午平江雨圓文破蜀羅聲眠篷底客寒濕釣來簑暗
澹遮山遠空濛著柳多

雨景之妙無
踰此二語

此時懷一恨相望

意如何

羅鍾陵幕吏十三年來泊湓浦感舊

青梅雨中熟檣倚酒旗邊故國殘春夢孤舟一榻眠
搖遠堤柳暗暗十程烟南秦鍾陵道無因似昔年

丹水

何事苦縈迴離腸不自裁恨聲隨夢去春態逐雲來沉

定藍光澈喧盆粉浪開翠巖三百尺誰作子陵臺

襄陽雪夜感懷

往事起獨念飄然自不勝前灘急夜響密雪映寒燈的
的三年夢迢迢一綫經明朝楚山上莫上最高層

途中作

綠樹南陽道千峰勢遠隨碧溪風澹態芳樹雨陰姿野
渡雲初暖征人袖半垂殘花不一醉行樂是何時

除官行至昭應聞友人出官因寄

賤子來千里明公去一麾可能休涕淚豈獨感恩知
草木秋風後山川落照時如何望故國驅馬却遲遲

初春有感寄歙州邢員外

雪溺前溪水啼聲已繞灘梅衰未減態春嫩不禁寒
跡去夢一覺年來事百般聞君亦多感何處倚欄杆

寄崔鈞

緘書報子玉為我謝平津自媿掃門士誰為乞火人
詞臣陪羽獵戰將騁駢鄰兩地差池恨江汀醉送君

遣興

鏡弄白髭鬚如何作老夫浮生長忽忽兒小且嗚嗚忍

過事堪喜

涉世久方知此語深妙

泰來憂勝無治平心徑熟不遣

有窮途

早秋

疎雨洗空曠秋標驚意新大熱去酷吏清風來故人樽
酒酌未酌曉花嚙不嚙銖秤與縷雪誰覺老陳陳

秋思

熱去解鉗鈇飄蕭秋半時微雨池塘見好風襟袖知髮
短梳未足枕涼閒且歎平生分過此何事不參差

閨情

娟娟却月眉新髻學鵲飛暗砌勻檀粉晴窓畫夾衣

落蕩

而多風無
有俗態

袖紅垂寂寞眉黛歛依稀還向長陵去今宵

歸不歸

舊遊

閒吟芍藥詩悵望久嚙眉盼眄回眸遠纖衫整髻遲重

尋春晝夢笑把淺花枝
小市長陵住非郎誰得知

送張判官歸

處士聞名早遊秦
獻疏回腹中書萬卷
身外酒千杯江
雨春波濶園林客夢催
今君拜旌戟凜凜近霜臺

書懷寄廬州

謝山南畔州風物最宜秋
太守懸金印佳人敞畫樓
凝缸暗醉夕殘月上汀洲
可憐當年髻朱門不得遊

五言排律

為人題贈

我乏凌雲構君無買笑金
虛傳南國貌爭奈五陵心
桂席塵瑤珮瓊鑪燼水沉
凝魂空薦夢低珥悔聽琴
日落珠簾捲春寒錦幕深
誰家樓上笛何處月明砧
蘭徑飛蝴蝶筠籠語翠禽
和簪拋鳳髻將淚入鴛衾
的新添恨迢迢絕好音
文園終病渴休詠白頭吟

其二

綠樹鶯鶯語平江燕燕飛
枕前聞鴈去樓上送春歸
半

月絰雙臉凝腰素一圍西牆苔漠漠南浦夢依依有恨
簪花嬾無聊鬪草稀雕籠長慘澹蘭畹謾芳菲鏡斂青
蛾黛燈挑皓腕肌避人勻迸淚拖袖倚殘暉有貌雖桃
李單棲足是非雲軿載馭去寒夜看裁衣

夏州崔常侍自少常出領麾幢十韻

帝命詩書將壇登禮樂卿三邊要高枕萬里得長城對
客猶褒博填門已旆旌腰間五綬貴天下一家榮野水
差新燕芳郊弄夏鶯別風嘶玉勒殘日望金莖榆塞孤

烟媚銀川綠草明
戈矛虓虎士弓箭落鵬兵
魏絳言堪採陳湯事偶成
若須垂竹帛靜勝是功名

往年隨故府吳興公
夜泊蕪湖口今赴官西去再宿蕪湖感舊傷懷因成十六韻

南指陵陽路東流似昔年
重恩山未荅雙髻雪飄然數
仞慚投跡羣公媿拍肩
駑駘蒙錦繡塵土欲潺湲
郭隗黃金峻虞卿白璧鮮
貔貅環玉帳鸚鵡破蠻牋
極浦沉碑會秋花落帽筵
旌明迥野冠珮炤神仙
籌畫言何

補優容道寔全謳謠人撲地雞犬樹連天紫鳳超如電
青襟散似烟蒼生未經濟墳草已芊綿往事唯沙月孤
燈但客船峴山雲影畔棠葉水聲前故國還歸去浮生
亦可憐高歌一曲淚明月夕陽邊

朱坡

下杜鄉園古泉聲繞舍啼靜思長慘切薄宦與乖睽北
闕千門外南山午谷西倚川紅葉嶺連寺綠楊堤迥野
翹霜鶴澄潭舞錦雞濤驚堆萬岫舸急轉千溪眉點萱

牙嫩風條柳幄迷
岼藤捎虺尾沙渚
印魔蹄火燎湘桃

塢波光碧繡畦日痕絀

胡官切

翠巘陂影墮晴霓蝸壁攔

斑蘚銀筵豈寇泥
洞雲生片段苔徑
繚高低偃蹇松公

老森嚴竹陣齊
小蓮娃欲語幽笋
稚相攜漢館留餘趾

周臺接故蹊蟠蛟
岡隱隱斑雉草萋
萋樹老蘿紆組巖

深石啟閨侵牕
紫桂茂拂面翠禽
棲有計冠終掛無才

筆謾提自塵何太
甚休笑觸藩羝

早春寄岳州李使君李善棋愛酒倩地閒雅

城高倚峭巘地勝足樓臺朔漢暖鴻去瀟湘春水來縈
盈幾多思掩抑若為裁返照三聲角寒香一樹梅烏林
芳草遠赤壁健帆開往事空遺恨東流豈不迴分符潁
川政弔屈洛陽才拂匣調珠柱磨鉛勘玉杯棋翻小窟
勢壚撥凍醪醅此興予非薄何時得奉陪

樊川集卷三

欽定四庫全書薈要卷一萬四千五

集部

樊川集卷四

唐 杜牧 撰

七言律

長安雜題

觚稜金碧照山高萬國珪璋捧楮袍
舐筆和鉛欺賈馬讚功論道鄙蕭曹
東南樓日珠簾捲西北天宛玉卮豪

詩曰降革金
厄益小環

四海一家無一事將軍攜鏡泣霜毛

其二

晴雲似絮惹低空
紫陌微微弄袖風
韓嫣金丸莎覆綠
許公羈汗杏沾紅
烟生窈窕深東第
輪撼流蘇下北宮
自笑苦無樓護智
可憐鈇槩竟何功

其三

雨晴九陌鋪江練
嵐嫩千峰疊海濤
南苑草芳眠錦雉
夾城雲暖下霓旄
少年羈絡青紋玉
遊女簪紫蒂桃
江碧柳深人盡醉
一瓢顏巷日空高

其四

東帶謬趨文石陛有章曾拜皂囊封期嚴無奈睡留癖
勢窘猶為酒泥慵偷釣侯家池上雨醉吟隋寺日沉鐘
九原可作吾誰與師友瑯琊邴曼容

其五

洪河清渭天池濬太白終南地軸橫祥雲輝映漢宮紫
春光繡畫秦川明草妬佳人鈿朶色風迴公子玉銜聲
六飛南幸芙蓉苑十里飄香入夾城

其六

豐貂長組金張輩
駟馬文衣許史家
白鹿原頭迴獵騎
紫雲樓下醉江花
九重樹影連青漢
萬壽山光學翠華
誰識大君謙讓德

聖上不
受微號

一毫名利關
龜墓

李給事

一章絨拜皂囊中
慄慄朝廷有古風
元禮去歸綏氏學

李膺退罷歸綏氏教授生
徒給事論鄭注告歸潁陽

江充來見犬臺宮

鄭注對
於浴室

紛

紘白晝驚千古
鐵鑕朱殷幾一空
曲突徙薪人不會
海

邊今作釣魚翁

奉詔徵兵不日功集河湟諸郡次第歸降臣獲覩
聖功輒獻歌詠

捷書皆應睿謀期十萬曾無一鏃遺漢武慚誇朔方地
宣王休道太原師威加塞外寒來早恩入河源凍合遲
聽取滿城歌舞曲涼州聲韻喜參差

奉和白相公聖德和平致茲休運歲終功就合詠
盛明呈上

行看臘破好年光萬壽南山對未央
黠戛可汗修職貢
文思天子復河湟應須日御西巡狩
不假星弧北射狼
吉甫裁詩歌盛業一篇江漢美宣王

街西

碧池新漲浴嬌鵷深鎖長安富貴家
遊騎偶同人鬪酒
名園相倚杏交花銀鞦騾褭嘶宛馬
繡鞅總隴走鈿車
一曲將軍何處笛連雲芳樹日初斜

李侍郎於陽羨里富有泉石牧亦於陽羨粗有薄

產叙舊述懷因獻四韻

冥鴻不下非無意塞馬歸來是偶然紫綬公卿今放曠
白頭郎吏尚留連終南山下拋泉洞陽羨溪中買釣船
欲與明公操履杖願聞休去是何年

贈李處士

玉函怪牒鎖靈篆紫洞香風吹碧桃老翁四目牙爪利
擲火萬里精神高靄靄祥雲隨步武纍纍秋冢嘆蓬蒿
三山朝去應非久姪女當牕繡羽袍

送國棋王逢

玉子紋楸一路饒最宜簷雨竹蕭蕭羸形暗去春泉長
拔勢橫來野火燒守道還如周柱史鏖兵不羨霍嫖姚
得年七十更萬日與子期於局上銷

道一大尹存之學士庭美學士簡於聖明自致霄
漢皆與舍弟昔年還往牧支離窮悴竊於一麾
書美歌詩兼自言志呈上三君子

九金神鼎重丘山五玉諸侯雜珮環
星座通霄狼鬣暗

戍樓吹笛虎牙閒，斗間紫氣龍埋獄。
天上洪爐帝鑄顏，若念西河舊交友。
魚符應許出函關。

洛陽

草色人心相與閒，是非名利有無閒。
橋橫落照虹堪畫，樹鎖千門鳥自還。
芝蓋不來雲杳杳，仙舟何處水潺潺。
君王謙讓泥金事，蒼翠空高萬歲山。

其二

天漢東穿白玉京，日華浮動翠光生。
橋邊遊女珮環委。

波底上陽金碧明月鎖名園孤鶴唳川酣秋夢鑿龍聲
連昌繡嶺行宮在玉輦何時父老迎

其三

文爭武戰就神功時似開元天寶中已建亥戈收相土
應迴翠帽過離宮侯門草滿置寒兔洛浦沙深下塞鴻
疑有女娥西望處上陽烟樹正秋風

故洛陽城有感

一片官牆當道危行人為汝去遲遲
簞圭苑裏秋風後

平樂館前斜日時
錮黨豈能留漢鼎
清談空解識胡兒
千燒萬戰坤靈死
慘慘終年鳥雀悲

潤州

句吳亭東千里秋
放歌曾作昔年遊
青苔寺裏無馬跡
綠水橋邊多酒樓
大抵南朝皆曠達
可憐東晉最風流
月明更想桓伊在
一笛聞吹出塞愁

其二

謝朓詩中佳麗地
夫差傳裏水犀軍
城高鐵瓮橫強弩

柳暗朱樓多夢雲盡角愛飄江北去釣歌長向月中聞
揚州城上試迴首不惜千金借與君

西江懷古

上吞巴漢控瀟湘怒似連山淨鏡光魏帝縫囊真戲劇
苻堅投筆更荒唐千秋釣舸歌明月萬里沙鷗弄夕陽
范蠡清塵何寂寞好風唯屬往來商

題宣州開元寺水閣

閣下宛溪夾溪居人

六朝文物草連空天澹雲間今古同鳥去鳥來山色裏

人歌人哭水聲中
深秋簾幕千家雨
落日樓臺一笛風
惆悵無因見范蠡
參差烟樹五湖東

洛中監察病假滿送韋楚老拾遺歸朝

洛橋風暖細翻衣
春引仙官去玉墀
獨鶴初沖太虛日
九牛新落一毛時
行開教化期君是
卧病神祇禱我知
十載丈夫堪恥處
朱雲猶掉直言旗

宣州送裴坦判官往舒州時牧欲赴官歸京

日暖泥融雪半消
人行芳草馬聲驕
九華山路雲遮寺

清弋江村柳拂橋君意如鴻高的我心懸旆正搖搖
同來不得同歸去故國逢春正寂寥

自宣城赴官上京

蕭洒江湖十過秋酒杯無日不遲留謝公城畔溪驚夢
蘇小門前柳拂頭千里雲山何處好幾人襟韻一生休
塵冠掛却知閒事終把蹉跎訪舊遊

登池州九峰樓寄張祜

百感中來不自由角聲孤起夕陽樓碧山終日思無盡

芳草何年恨始休
睫在眼前長不見
道非身外更何求
誰人得似張公子
千首詩輕萬戶侯

齊安郡晚秋

柳岼風來影漸疎
使君家似野人居
雲容水態還堪賞
嘯志歌懷亦自如
雨暗殘燈棋散後
酒醒孤枕鴈來初
可憐赤壁爭雄渡
惟有蓑翁坐釣魚

九日齊山登高

江涵秋影鴈初飛
與客攜壺上翠微
塵世難逢開口笑

菊花須插滿頭歸，但將醕酏酬佳節。不用登臨恨落暉，
古往今來只如此。牛山何必獨霑衣。

池州李使君沒後十一日處州新命始到後見歸
妓感而成詩

縉雲新命詔初行，纔是孤魂壽器成。黃壤不知新雨露，
粉書空換舊銘旌。巨卿哭處雲空斷，阿鷺歸來月正明。
多少四年遺愛事，鄉閭生子李為名。

見劉秀才與池州妓別

遠風南浦萬重波未似生離恨別多楚管能吹柳花怨
吳姬爭唱竹枝歌金釵橫處綠雲墮玉筍凝時紅粉和
待得枚臯相見日自應妝鏡笑蹉跎

即事

黃州作

因思上黨三年戰閒詠周公七月詩竹帛未聞書死節
丹青空見畫靈旗蕭條井邑如魚尾早晚干戈識虎皮
莫笑一麾東下計滿江秋浪碧參差

寄李起居

楚女梅簪白雪姿
前溪碧水凍醪時
雲壘心凸知難捧
鳳管簧寒不受吹
南國劍眸能盼盼
侍臣香袖愛僛垂
自憐窮律窮途客
正刼孤燈一局棋

八月十二日移居雪溪館

萬家相慶喜秋成
處處樓臺歌板聲
千歲鶴歸猶有恨
一年人住豈無情
夜涼溪館留僧話
風定蘇潭看月生
景物登臨閒始見
願為閒客此閒行

柳

日落水流西復東春光不盡柳何窮巫娥廟裏低含雨
宋玉宅前斜帶風莫將榆莢共爭翠深感杏花相映紅
灞上漢南千萬樹幾人遊宦別離中

早鴈

金河秋半虜絃開雲外驚飛四散哀仙掌月明孤影過
長門燈暗數聲來須知胡騎紛紛在豈逐春風一一迴
莫厭瀟湘少人處水多菰米岬莓苔

送劉秀才歸江陵

綵服鮮華覲渚宮
鱸魚新熟到江東
劉郎浦夜侵船月
宋玉亭春滿袖風
落落精神終有立
飄飄才思杳無窮
誰人世上為金口
借取明時一薦雄

湖南正初招李郢秀才

行樂及時時已晚
對酒當歌歌不成
千里暮山重疊翠
一溪寒水淺深清
高人以飲為忙事
浮世除詩盡強名
看著白蘋芽欲吐
雪舟相訪勝閒行

懷鍾陵舊遊

一謁征南最少年
虞卿雙壁截肪鮮
歌謠千里春長暖
絲管高臺月正圓
玉帳軍籌羅俊彥
絳帷環珮立神仙
陸公餘德機雲在
如我酬恩合執鞭

其二

滕閣中春綺席開
柘枝蠻鼓殷晴雷
垂樓萬幕青雲合
破浪千帆陣馬來
未掘雙龍牛斗氣
高懸一榻棟梁材
連巴控越知何有
珠翠沉檀處處堆

其三

十頃平湖堤柳合，岼秋蘭芷綠纖纖。
一聲明月採蓮女，四面朱樓捲畫簾。
白鷺烟分光的的，微漣風定翠沾沾。
徒兼切斜暉更落西山影，千步虹橋氣象兼。

其四

控壓平江十萬家，秋來江靜鏡新磨。
城頭晚鼓雷霆後，橋上遊人笑語多。
日落汀痕千里色，月當樓午一聲歌。
昔年行樂禳桃畔，醉與龍沙揀蜀羅。

商山麻澗

雲光嵐彩四面合柔柔垂柳十餘家雉飛鹿過芳草遠
牛巷雞埒春日斜秀眉老父對樽酒舊袖女兒簪野花
征車自念塵土計惆悵溪邊書細沙

商山富水驛

驛初名陽城

益慙猶來未覺賢終須南去弔湘川當時物議朱雲小
後代聲華白日懸邪佞每思當面唾清貧長欠一杯錢
驛名不合輕移改留警朝天者惕然

題武關

碧溪留我武關東一笑懷王跡自窮鄭袖嬌嬈酣似醉
屈原憔悴去如蓬山牆谷塹依然在弱吐強吞盡已空
今日聖神家四海戎旂長捲夕陽中

詠歌聖德遠懷天寶因題關亭

聖敬文思業太平海寰天下唱歌行秋來氣勢洪河壯
霜後精神泰華獐廣德者強朝萬國用賢無敵是長城
君王若悟治皮諭安史何人敢弄兵

寄浙東韓又評事

一笑五雲溪上舟跳丸日月十經秋鬢衰酒減欲誰泥
跡辱魂慙好自尤夢寐幾回迷蛺蝶文章應廣畔牢愁
無窮塵土無聊事不得清言解不休

書懷寄中朝往還

平生自許少塵埃為吏塵中勢自迴朱紱久慙官借與
白頭還嘆老將來須知世路難輕進豈是君門不大開
霄漢已多同學伴可憐頭角盡卿材

初春雨中舟次和州橫江裴使君見迎李趙二秀

才同來因書四韻兼寄江南許渾先輩

芳草渡頭微雨時
萬株楊柳拂波垂
蒲根水暖鴈初浴
梅徑香寒蜂未知
辭客倚風吟暗淡
使君迴馬濕旌旂
江南仲蔚多情調
悵望春陰幾首詩

寄澧州張舍人笛

髮勻肉好生春嶺
截玉鑽星寄使君
檀的染時痕半月
落梅飄處響穿雲
樓中威鳳傾冠聽
沙上驚鴻掠水分
遙想紫泥封詔罷
夜深應隔禁牆聞

酬張祐

七十論詩誰似公
曹劉須在指揮中
薦衡昔日知文舉
令狐相公
乞火無人作蒯通
北極樓臺長掛夢
西江波浪遠吞空
可憐故國三千里
虛唱歌辭滿六宮

寄宣州鄭諫議

大夫官重鎮江東
瀟洒名儒振古風
文石陞前辭聖主
碧雲天外作冥鴻
五言寧謝顏光祿
百歲須齊衛武公
再拜宜同丈人行
過庭交分有無同

寄題甘露寺北軒

曾上蓬萊宮裏行
北軒欄檻最留情
孤高堪弄桓伊笛
縹緲疑聞子晉笙
天接海門秋水色
烟籠隋苑暮鐘聲
他年會著荷衣去
不向山僧道姓名

題青雲館

虬蟠千仞劇羊腸
天府由來百二強
四皓有芝輕漢祖
張儀無地與懷王
雲連帳影羅陰合
枕遶泉聲客夢涼
深處會容高尚者
水苗三頃百株桑

郡中有懷寄睦州員外十三兄歙州刺史邢群

城枕溪流淺更斜麗譙連帶邑人家經冬野菜青青色
未臘山梅樹樹花雖免瘴雲生嶺上永無京信到天涯
如今歲晏從羈滯心喜彈冠事不賒

正初奉酬

翠巖千尺倚溪斜曾得嚴光作釣家越嶂遠分丁字水
臘梅遲見二年花明時刀尺君須用幽處田園我有涯
一壑風烟陽羨里解龜休去路非賒

五言絕句

長安秋望

樓倚霜樹外
鏡天無一毫
南山與秋色
氣勢兩相高

獨酌

窓外正風雪
擁爐開酒缸
何如釣船雨
篷底睡秋江

醉眠

秋醪雨中熟
寒齋落葉中
幽人本多睡
更酌一樽空

不飲贈酒

細算人生事彭殤共一籌與愁爭底事要爾作戈矛

過田家宅

安邑南門外誰家板築高奉誠園裏地墻缺見蓬蒿

獨柳

含烟一株柳拂地搖風久佳人不忍折悵望迴纖手

將赴湖州留題亭菊

陶菊手自種楚蘭心有期遙知渡江日正是擷芳時

折菊

籬東菊徑深折得自孤吟雨中衣半濕擁鼻自知心

哭李給事中敏

陽陵郭門外坡陀丈五墳九泉如結友茲地好埋君

朱雲

葬陽陵

郭外

黃州竹筵

竹濁蟠小徑屈折鬬蛇來三年得歸去知遶幾千迴

題歆愛寺樓

暮景千山雪春寒百尺樓獨登還獨下誰會我悠悠

題新定八松院小石

雨滴珠璣碎苔生紫翠重故關何日到且看小山峰

送薛種遊湖南

賈傅松醪酒秋來美更香憐君片雲思一棹去瀟湘

重題籌筆驛

郵亭寄人世人世寄郵亭何如自籌度鴻路有冥冥

寄遠

隻影隨驚鴈單栖鎖畫籠傷春羅袖薄誰念舞臺風

送盧秀才

春瀨與烟遠送君孤棹開潺湲如不改愁更釣魚來

醉題

金鑷洗霜髻銀觥敵露桃醉頭扶不起三丈日還高

題張處士山莊

好鳥疑敲磬風蟬認軋箏修篁與嘉樹偏倚半巖生

盆池

鑿破蒼苔地偷他一片天白雲生鏡裏明月落階前

有寄

雲濶烟深樹江澄水浴秋美人何處在明月萬山頭

六言

代人寄遠

河橋酒旆風軟候館梅花雪嬌宛陵樓上瞪目

一作春曉

我

郎何處情饒

其二

繡領任垂蓬髻丁香閒結春梢賸肯新年歸否江南綠

草迢迢

樊川集卷四

謹案卷三第四頁後二行驍將自驚今日無刊本

驍訛驍據全唐詩改

第十一頁前六行芳樹雨陰姿刊本陰作餘據文

苑英華改

第十三頁後八行枕前聞鴈去刊本鴈去訛去鴈

據全唐詩改

卷四第一頁後四行自笑苦無樓護智刊本護訛


獲據漢書改

第四頁後三行守道還如周柱史刊本柱史訛伏
柱據文苑英華改

第八頁前一行芳草何年恨始休刊本始作即據
唐詩鼓吹改

第八頁前五行雨暗殘燈棋散後刊本散後訛欲
散據才調集改

第十頁後二行宋玉亭春滿袖風刊本亭訛停據
文苑英華改



總校官庶吉士臣張能照

校對官編修臣楊壽楠

謄錄監生臣阮坦

欽定四庫全書薈要

集部

樊川集卷五

七至

詳校官助教臣常循



欽定四庫全書薈要卷一萬四千六

集部

樊川集卷五

唐 杜牧 撰

言絕句

過勤政樓

千秋佳節名空在
承露絲囊世已無
唯有紫苔偏稱意
年年因雨上金鋪

題魏文貞

蟪蛄寧與雪霜期
賢哲難教俗士知
可憐貞觀太平後
天且不留封德彝

念昔遊

十載飄然繩檢外
樽前自獻自為酬
秋山春雨間吟處
倚遍江南寺寺樓

其二

雲門寺

越州

外逢猛雨林
黑山高雨脚長
曾奉郊宮為近

侍分明搜搜

先勇切

羽林槍

其三

李白題詩水西寺

宣州涇縣

古木迴巖樓閣風半醒半醉遊

三日紅白花開山雨中

過華清宮

一刻驪山感舊

長安迴望繡成堆
山頂千門次第開
一騎紅塵妃子笑
無人知是荔枝來

其二

新豐綠樹起黃埃
數騎漁陽探使迴

帝使璆琳探祿山反否璆琳受祿山

金言霓裳一曲千峰上舞破中原始下來
不反

其三

萬國笙歌醉太平倚天樓殿月分明雲中亂拍祿山舞
風過重巒下笑聲

登樂遊原

長空澹澹孤鳥沒萬古銷沉向此中看取漢家何事業
五陵無樹起秋風

春申君

烈士思酬國士恩
春申誰與快冤魂
三千賓客總珠履
欲使何人殺李園

奉陵宮人

相如死後無詞客
延壽亡來絕畫工
玉顏不是黃金少
淚滴秋山入壽宮

讀韓杜集

杜詩韓集愁來讀
似倩麻姑癢處搔
天上鳳凰誰得髓
無人解合續弦膠

重送國碁王逢

絕藝如君天下少
閒人是我世間無
別後竹窗風雪夜
一燈明暗覆吳圖

少年行

連環羈玉聲光碎
綠錦蔽泥虬卷高
春風細雨走馬去
珠落瑤瑤白罽袍

悼沈下賢

斯人清唱何人和
草徑苔蕪不可尋
一夕小敷山下夢

水如環珮月如襟

悼李和鼎

鵬鳥飛來庚子直謫去日蝕辛卯年由來枉死賢才事
消長相持勢自然

朱坡

故國池塘倚御渠江城三詔換魚書賈生辭賦恨流落
祇向長沙住歲餘

文帝歲餘
思賈生

其二

烟深苔巷唱樵兒
花落寒輕倦客歸
藤岬竹洲相掩映
蒲城春雨鷓鴣飛

其三

乳肥春洞生鶯管
沼避迴巖勢犬牙
自笑卷懷頭角縮
歸盤烟磴恰如蝸

出宮人

閒吹玉殿昭華管
醉折梨園縹蒂花
十年一夢歸人世
絳縷猶封繫臂紗

其二

平陽拊背穿馳道
銅雀分香下壁門
幾向綴珠深殿裏
妬拋羞態卧黃昏

杏園

夜來微雨洗芳塵
公子驂騑步貼勻
莫怪杏園顛顚去
蒲城多少插花人

春晚題韋家亭子

擁鼻侵襟花草香
高臺春去恨茫茫
鶯紅半落平池晚

曲渚飄成錦一張

見宋拾遺題名處感而成詩

甯逐窮荒與死期
餓唯蒿藿病無醫
憐君更抱重泉恨
不見崇山謫去時

將赴吳興登樂遊原

清時有味是無能
閒愛孤雲靜愛僧
欲把一麾江海去
樂遊原上望昭陵

江南懷古

車書混一業無窮井邑山川今古同
戊辰年向金陵過
惆悵閒吟憶庾公

江南春

千里鶯啼綠映紅
水村山郭酒旗風
南朝四百八十寺
多少樓臺烟雨中

將赴宣州留題揚州禪智寺

故里溪頭松栢雙
來時盡日倚松窗
杜陵隋苑已絕國
秋晚南遊更渡江

齊安郡中偶題

兩竿落日溪橋上，半縷輕烟柳影中。
多少綠荷相倚恨，一時回首背西風。

其二

秋聲無不攪離心，夢澤蘼葭楚雨深。
自滴堦前木桐葉，於君何事動哀吟。

齊安郡後池

菱透浮萍綠錦池，夏鶯千啭弄黃鸝。
盡日無人看微雨，

鴛鴦相對浴紅衣

題齊安城樓

鳴軋江樓角一聲微陽漱漱落寒汀不用憑欄苦回首
故鄉七十五長亭

池州清溪

弄溪終日到黃昏照數秋來白髮根何物賴君千遍洗
筆頭塵土漸無痕

遊池州林泉寺金碧洞

袖拂霜林下石稜潺湲聲斷蒲溪水携茶臘月遊金碧
合有文章病茂陵

贈李秀才呈上公孫子

骨清年少眼如冰鳳羽參差五色層天上麒麟時一下
人間不獨有徐陵

題池州貴池亭

勢比凌歊宋武臺分明百里遠帆開蜀江雪浪西江滿
強半春寒去却來

蘭溪 在婺州西

蘭溪春盡碧泱泱映水蘭花雨發香
楚國大夫憔悴日應尋此路去瀟湘

初冬夜飲

淮陽多病偶求懽客袖侵霜與燭盤
砌下梨花一堆雪明年誰此凭欄杆

山石榴

似火山榴映小山繁中能薄艷中間一朶佳人玉釵上

祇疑燒却翠雲鬟

隋堤柳

夾岸垂楊三百里祇應圖畫取相宜
自嫌流落西歸疾不見東風二月時

柳

數樹新開翠影齊倚風情態被春迷
依依故國樊川恨半掩村橋半拂堤

鷺鷥

雪衣雪髮青玉嘴，群捕魚兒溪影中。
驚飛遠映碧山去，一樹梨花落晚風。

村舍燕

漢宮一百四十五，多下珠簾閉瑣窗。
何處營巢夏將半，茅簷烟裏語雙雙。

歸燕

盡堂歌舞喧喧地，社去社來人不看。
長是江樓使君伴，黃昏猶待倚欄杆。

傷猿

獨折南園一朵梅
重尋幽坎已生苔
無端晚吹驚高樹
似裊長枝欲下來

雲

盡日看雲首不迴
無心都大似無才
可憐光彩一片玉
萬里晴天何處來

醉後題僧院

離心忽忽復悽悽
雨晦傾瓶取醉泥
可羨高僧共心語

一如携穉住東西

題禪院

觥船一棹百分空
十歲青春不負公
今日髣髴禪榻畔
茶烟輕颺落花風

見吳秀才與池妓別偶成

紅燭短時羌笛怨
清歌咽處蜀絃高
萬里分飛兩行淚
蒲江寒雨正蕭騷

贈朱道靈

劉根丹篆三千字郭璞青囊兩卷書牛渚磯南謝山北
白雲深處有巖居

屏風絕句

屏風周倣畫纖腰歲久丹青色半銷斜倚玉窗鸞髮女
拂塵猶自妬嬌嬈

哭韓綽

平明送燕上都門拂筵交橫逐去魂歸來冷笑悲身事
喚婦呼兒索酒盆

新定途中

無端偶效張文紀
下杜鄉園別五秋
重過江南更千里
萬山深處一孤舟

除官赴闕商山道中

水疊鳴珂樹如帳
長陽春殿九門過
我來惆悵不自決
欲去欲住終如何

漢江

溶溶漾漾白鷗飛
綠淨春深好染衣
南去北來人自老

夕陽長送釣船歸

重到襄陽哭亡友韋壽朋

故人墳樹立秋風
伯道無兒跡更空
重列笙歌分散地
隔江吹笛月明中

赤壁

折戟沉沙鐵未銷
自將磨洗認前朝
東風不與周郎便
銅雀春深鎖二喬

雲夢澤

日旗龍旆想飄揚一索功高縛楚王
直是超然五湖客
未如終始郭汾陽

泊秦淮

烟籠寒水月籠沙
夜泊秦淮舊酒家
商女不知亡國恨
隔江猶唱後庭花

秋浦途中

蕭蕭山路窮
秋雨淅淅溪風一片蒲
為問寒沙新到鴈
來時還下杜陵無

題桃花夫人廟

即息夫人

細腰宮裏露桃新
脈脈無言幾度春
至竟息亡緣底事
可憐金谷墮樓人

和州

江湖醉度十年春
牛渚山邊六問津
歷陽前事知何實
高位紛紛見陷人

題烏江亭

勝敗兵家事不期
包羞忍耻是男兒
江東子弟多才俊

捲土重來未可知

題橫江館

孫家兄弟晉龍驤
馳騁功名業
帝王至竟江山誰是主
石磯空屬釣魚郎

寄揚州韓綽判官

青山隱隱水迢迢
秋盡江南草木凋
二十四橋明月夜
玉人何處教吹簫

送李群玉赴舉

故人別來面如雪一榻拂雲秋影中玉白花紅三百首
五陵誰唱與春風

題壽安縣甘棠館御溝

一渠東注芳華苑苑鎖池塘百歲空水殿半傾蟾口澀
為誰流下蓼花中

汴河懷古

錦纜龍舟隋煬帝平臺複道漢梁王遊人間起前朝念
折柳孤吟斷殺腸

汴河阻凍

千里長河初凍時
玉珂搖珮響參差
浮生恰似冰底水
日夜東流人不知

題元處士高亭

宣州

水接西江天外聲
小齋松影拂雲平
何人教我吹長笛
與倚春風弄月明

鄭瓘協律

廣文遺韻留樗散
雞犬圖書共一船
自說江湖不歸事

阻風中酒過年年

送陸滂棄官東歸

少微星動照春雲
魏闕衡門路自分
倏去忽來應有意
世間塵土謾疑君

寄珉笛與宇文舍人

調高銀字聲還側
物比柯亭韻校奇
寄與玉人天上去
桓將軍見不教吹

途中

鏡中絲髮悲來慣
衣上塵痕拂漸難
惆悵江湖釣竿手
却遮西日向長安

春盡途中

田園不事來遊宦
故國誰交爾別離
獨向關亭還把酒
一年春盡送春詩

題村舍

三樹稚桑春未到
扶牀乳女午啼饑
潛銷暗鏹歸何處
萬指侯家自不知

江上偶見

楚鄉寒食橘花時
野渡臨風駐彩旗
草色連雲人去住
水紋如縠燕差池

題木蘭廟

彎弓征戰作男兒
夢裏曾經與畫眉
幾度思歸還把酒
拂雲堆上祝明妃

入商山

早入商山百里雲
藍溪橋下水聲分
流水舊聲人舊耳

此迴嗚咽不堪聞

偶題

甘羅昔作秦丞相子政曾為漢輦郎千載更逢王侍讀
當時還道有文章

題商山四皓

呂氏強梁嗣子柔我於天性豈恩讎南軍不袒左邊袖
四老安劉是滅劉

送隱者

無媒徑路草蕭蕭自古雲林遠市朝公道世間唯白髮
貴人頭上不曾饒

有懷重送斛斯判官

蒼蒼烟月滿川亭我有勞歌一為聽將取離魂隨白騎
三台星裏拜文星

贈別

娉娉裊裊十三餘豈蔻梢頭二月初春風十里揚州路
捲上珠簾總不如

其二

多情却似總無情，唯覺樽前笑不成。
蠟燭有心還惜別，替人垂淚到天明。

寄遠

前山極遠碧雲合，清夜一聲白雪微。
欲寄相思千里月，溪邊殘照雨霏霏。

九日

金英繁亂拂欄香，明府辭官酒滿缸。
還有玉樓輕薄女，

笑他寒燕一雙雙

寄牛相公

漢水橫衝蜀浪分
危樓點的拂孤雲
六年仁政謳歌去
柳遠春堤處處聞

樊川集卷五